

Ժողովուրդ

128
(2794)

13 սեպտեմբերի չորեքշաբթի 2023
տպագրության ԺԲ տարի

Է. Երեւան, Արվյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ԽԱՂԱՄՈՒԼՈՒԹՅՈՒՆ Է ԲԱՐՈՋՈՒՄ



ՀՀ ԱԺ իշխանական խմբակցության մի խումբ պատգամավորներ կան, որ ամեն նստաշրջանին տարբեր օրենքներ են բերում՝ իբրև թե խաղամոլության դեմ պայքարի շրջանակներում, սակայն խաղամոլության թվերը մեր երկրում շարունակում են աճել, իսկ խաղամոլության գովազդն ու հնարավորությունը մարդկանց հեռուստատեսությանը և ներքին տեղիքը: «Ժողովուրդ» օրաթերթը արձանագրել է շարքային երեսանցու բնակարանում «Վիվա» ընկերության կողմից առաջարկվող կոնկրետ շահումով խաղերի հնարավորությունը: Այսինքն՝ խաղամոլությունը մարդկանց տներում է խթանվում, ու հետաքրքիր զուգահեռությամբ խթանվում են միայն Սիկոլ Փաշինյանի իշխանության հովանավորությունը վայելող «Վիվա» ընկերության առաջարկած խաղերը: Հեռակառավարման վահանակի միջոցով մտնում ենք հեռուստացույցում առաջարկվող ծրագրերի բաժինը, իջնում ներքե, ապա՝ աջ, եւ սեղմում «Վիվա»-ի առաջարկած պատուհանը. բացվում են խաղեր: Կոնկրետ «Պոկեր»-ը առաջարկվում է դերասան Հովհաննես Ազոյանի դեմքով, մյուսներն այլ լուծումներ ունեն: Դուք կարող եք տեսնել, թե ինչպես է հնարավոր հեռակառավարման վահանակի միջոցով շահումով խաղերը դարձնել հասանելի հենց տնից: Իսկ ի՞նչ է անում իշխանությունը:


ՔՊ-ական պատգամավոր Հրաչյա Հակոբյանն ԱԺ ամբիոնից խորհուրդ էր տալիս, որ կարելի է այդ ժամանակը օգտագործել՝ համացանցում ինչ-որ բան սովորելով, գիրք կարդալով, բայց հաստատ ոչ տանը նստած կազինո խաղալով:

Աժ նախագահ Ալեն Սիմոնյանը հայտարարում էր, որ շահումով խաղերի գովազդը հենց արգելվի լրատվական կայքերում, խաղամոլության դեմ պայքարը կհաջողի:

ՔՊ-ական պատգամավորները, երբ ազատ ժամանակ են ունենում, խաղամոլության դեմ պայքարի անվան տակ ինչ-որ օրենքներ են բերում: Գետրո Պապոյանն էլ ներկայացրել է օրենքի նախագիծ, որով սահմանվում է՝ լրատվամիջոցները, որոնց անվանումը կապ ունի կամ նման է շահումով խաղի, վիճակախաղի, օնլայն կազինոյի անվան հետ, պետք է փոխեն իրենց անվանումը: Թերեա այդ օրենքն էլ դեռ չի գործում. «Վիվա» անունով հեռուստաալիքը դեռ կա: Մինչդեռ, Գետրո Պապոյանը շարունակում է ընդգծել, որ կայքերից շահումով խաղերի գովազդները արգելելը վարչապետի ուղիղ հանձնարարությունն է:

Իսկ ի՞նչ պատկեր ունենք իրականում. Ազգային ժողովի կողմից ընդունված տարբեր սահմանափակումներից հետո խաղամոլության ծավալները Հայաստանում ոչ թե նվազել են, այլ կտրուկ աճել: Խոսենք թվերով. 2017թ.-ին 138,5 մլրդ դրամի խաղադրույք է կատարվել Հայաստանում, 2018թ.-ին այդ թիվն աճել է՝ դառնալով 333,6 մլրդ դրամ, 2019թ.-ին հասել է 1 տրիլիոնի շեմը, 2020թ.-ին մոտ 2 տրիլիոն դրամ, 2021-ի ամբողջ տարում 3,9 տրիլիոն դրամից ավելի խաղադրույք է կատարվել: 2022թ.-ի հունվարից նոյեմբեր՝ 9 ամիսներին, 5,3 տրիլիոն դրամի խաղադրույք է կատարվել Հայաստանում: Սա պատմական ռեկորդային թիվ է, ու սա է հեղափոխական թիվի սիրողական պայքարը խաղամոլության դեմ, մինչդեռ Սիկոլ Փաշինյանը 2023 թ. հունվարի 10-ին հայտարարում էր, թե իրենց իշխանության կողմից շահումով խաղերի ոլորտում կատարված օրենսդրական սահմանափակումների արդյունքում խաղադրույքների ոլորտում լուրջ անկում է գրանցվել: «...Բացի այդ, հիմա խաղադրույք կատարելը էդքան հեշտ չէ, ինչքան նախկինում: Մենք այսօր տեսնում ենք, որ խաղադրույքների ոլորտում սենց շատ լուրջ անկում կա»,- պնդել էր վարչապետ Փաշինյանը:

«Ժողովուրդ» օրաթերթը գրել էր, որ իշխող «Քաղաքացիական պայմանագիր» կուսակցության շատ անդամներ ԱՄՆ-ում ՀՀ դեսպան Լիլիթ Մակունցի հետ լարվել են: Բանն այն է, որ Մակունցը ԱՄՆ տեղափոխվելուց հետո կարող կտրել է բոլոր ՔՊ-ականների հետ. ինչպես իշխանական մեր աղբյուրներն են պատմում, եթե նախկինում դրեւէ հարց էր լինում, դիմում էին Լիլիթ Մակունցին, նա անպայման ընդառաջում էր թիմակիցներին, կատարում էր նրանց խնդրանքը, բայց հիմա Մակունցն այլեւս առաջվանը չէ: Նախկին խմբակցության անդամների հետ չի շփվում, անգամ շատերի գանգերին չի պատասխանում, միայն իշխանական վերահսակի հետ է շփվում, ավելի կոնկրետ՝ Սիկոլ Փաշինյանի, նրան է գեկուցում ամեն ինչ, նրանից է հրահանգներ ստանում, Արարատ Միրզոյանի հետ շփվում է ի պաշտոնե՝ որպես արտագործնախարարի: Սրանից ՔՊ-ականները խիստ վրդովվել են, ասում են, որ երբ աշխատանքային այցով տարբեր երկրներ են գնում, դեսպանները գրկաբաց ընդունում են իրենց, ուղեկցում ժամանցի վայրերով, խանութներով, մինչդեռ Մակունցը շատ դեպքերում չի դիմավորում, սառն է: ՔՊ-ականների համար տարօրինակ է Լիլիթ Մակունցի այս պահվածքը, քանի որ նա թիմում այն քեռից է եղել, որ բոլորի հետ լավ հարաբերություններ է ունեցել, մինչդեռ հիմա դարձել է արհամարհող: Պարզվում է՝ Մակունցի հետ իշխանականների հարաբերությունների լարումը այլ՝ ավելի խորը պատճառներ ունի: «Ժողովուրդ» օրաթերթն այս տեղեկությունը ճշտելու համար փորձեց կապ հաստատել Լիլիթ Մակունցի հետ՝ ուղարկելով պաշտոնական գրություն այն մասին, թե ՀՀ Ազգային ժողովից, ՀՀ կառավարությունից կամ այլ գերատեսչություններից, պետական կառույցներից ովքեր են դիմել ավերիկյան «GreenCard» ստանալու համար, եւ արդյոք ճիշտ է այն տեղեկությունը, թե Մակունցը, տեղյակ լինելով այս ցանկում ներառված անձանց մասին, ցուցակը փոխանցել է Սիկոլ Փաշինյանին՝ տեղեկացնելով, թե կոնկրետ քանի պաշտոնյա է դիմել խաղադրույքի ձեռով վիզա ստանալու եւ Հայաստանը լքելու համար: Շուրջ մեկ ամիս սպասելով պատասխանի Լիլիթ Մակունցից, պարբերաբար նրա էլեկտրոնային հասցեին հիշեցումներ ուղարկելով՝ միեւնոյնն է, արժանացանք չույն լռությանը, ինչ ՔՊ-ական շատ պատգամավորներ: «Ժողովուրդ» օրաթերթը կապ հաստատեց նաեւ Հայաստանում ԱՄՆ դեսպանատան հետ՝ ճշտելու, թե ՀՀ Ազգային ժողովից, ՀՀ կառավարությունից կամ այլ գերատեսչություններից, պետական կառույցներից ովքեր են դիմել «GreenCard» ստանալու համար, սակայն մեզ տեղեկացրին, որ դա փակ տեղեկություն է, եւ իրենք իրավասու չեն տրամադրելու: Այսպիսով, իշխանական շատ գործիչներ այս շրջանում շատ են դիմում ԱՄՆ վիզա ստանալու կամ «GreenCard» շահելու համար, եւ երբ ցանկը Մակունցը տրամադրել է Փաշինյանին, թիմը լարվել է նրա դեմ:



«Ժողովուրդ» օրաթերթի տեղեկություններով՝ ՔՊ-ականներին հրահանգ է իջեցվել քարոզարշավի վերջին շաբաթը «կատարի» պայքարի դուրս գալ ու ամբողջ ուժերը կենտրոնացնել միայն ու միայն ձայներ հավաքելու վրա՝ չհնայելով ոչ մի մեթոդ: ՔՊ-ն այս շաբաթ իր ամբողջ ծանր հիշատակին ուղի է հանել. նախարարները, բոլոր պատգամավորները մեկ մարդու պես աշխատանքային ժամից հետո պետք է շտապեն քարոզարշավի. անգամ այն պատգամավորները, որոնք մինչ այս չէին մասնակցում քարոզարշավին, այս շաբաթ նրանք էլ ուղիք կելնեն: Բանն այն է, որ որքան ընտրությունները մոտենում են, այնքան իշխանականների վախերն ու անհանգստությունները մեծանում են, քանի որ տարբեր ներքին հարցումներն էլ ցույց են տալիս, որ, առանց վարչական ռեսուրսի կոշտ կիրառման, չեն կարող իրենց ուզած արդյունքին հասնել ու երեսնում միանձնյա իշխանություն ստանձնել: Նրանց շատ է անհանգստացնում Հայկ Մարությանի բարձր վարկանիշը, որը իջեցնելու համար անգամ Սիկոլ Փաշինյանը երկու անգամ հարցազրույց տվեց Հանրայինով՝ մեկն իր աշխատասենյակում. ԿԸՀ-ից հուշեցին, որ դա ընտրախախտում է, եւ զրույցը կազմակերպվեց ՀՀ-ի տաղավարում:



ՀՀ ՊԵԿ նախագահի տեղակալ Շովինար Սողոմոնյանը, ՀՀ վարչապետ Սիկոլ Փաշինյանի N 934-Ա որոշմամբ, «Հանրային ծառայության մասին» օրենքի 9-րդ հոդվածի 4-րդ մասի համաձայն, 2023 թվականի սեպտեմբերի 15-ից ազատվելու է պաշտոնից: Սողոմոնյանը ՊԵԿ նախագահի տեղակալի պաշտոնին նշանակվել էր 2021 թվականի հոկտեմբերի 6-ին: Նա համատեղ սեփականությամբ հայտարարագրել է մեկ բնակարան բազմաբնակարան շենքում եւ մեկ ավտոտնակ, որոնք ձեռք է բերել 2019 թվականին Երեւանի Արաբկիր վարչական շրջանում: ՊԵԿ նախագահի արդեն նախկին տեղակալ Սողոմոնյանը մեկ բնակարան էլ հայտարարագրել է Կենտրոն վարչական շրջանում, որը փաստացի պատկանում էր այլ անձի, սակայն շահագործվում է նրա կողմից: Ուսումնասիրելով հայտարարագրի հասկացանքը, որ Կենտրոնում գտնվող բնակարանը եւս գնված է հիփոթեքով: Շովինար Սողոմոնյանը մինչ պաշտոնը ստանձնելն ունեցել է մեկ մեքենա՝ 2001 թվականի արտադրության, HONDA մակնիշի, սակայն պաշտոնը ստանձնելուց հետո՝ 2022 թվականին, նա 1 մլն 900 հազար դրամով ձեռք է բերել 2015 թվականի արտադրության, HYUNDAI մակնիշի մեքենա: Սողոմոնյանի բանկային ավանդները կազմել են 2 հազար 500 դոլար եւ 900 հազար դրամ, բանկային հաշիվների մնացորդները կազմել են 464 հազար դրամ: Նրա հաշվետու տարվա եկամուտները կազմել են 16 մլն 211 հազար դրամ, որը աշխատանքի վարձատրություն է ՀՀ պետական եկամուտների կոմիտեից: Նախկին տեղակալի ստացված վարկերի եւ փոխառությունների մայր գումարի մնացորդը հաշվետու տարվա դեկտեմբերի 31-ի դրությամբ կազմել է 54 մլն 310 հազար դրամ, որը 2 բնակարանների եւ մեկ ավտոտնակի հիփոթեքի մայր գումարի մնացորդն է: Վարկի մարմանն ուղղել է 7 մլն 379 հազար դրամ: Հիշեցնենք, որ Շովինար Սողոմոնյանը նախկինում եղել է ֆինանսատնտեսագիտական վարչության պետ ՀՀ կառավարության աշխատակազմում, դրանից հետո նա եղել է ՀՀ վարչապետի աշխատակազմի ղեկավարի տեղակալ: Շարունակելով տեղակալի կարիերան՝ նա նշանակվել է ՀՀ ՊԵԿ նախագահի տեղակալ:



ԱՆՊՐԱՂԱՐՁ

Ո՞ՐՆ ԷՐ ՊՈՒՏԻՆԻ ՏՈՂԱՏԱԿԸ



«Ժողովուրդ» օրաթերթը փոխանցում է, որ ՀՀԿ փոխնախագահ Արսակ Չափարյանը գրել է, որ դեռևս ուժ չէ, եւ հայցնի ճշմարտություն է այն, որ իրական քաղաքականությունը սոցիալական է. «ՌԳ նախագահ Վլադիմիր Պուտինի այսօրվա հայտարարության սոցիալական անձամբ եւ հասկանում են հետեյալը. եթե դաշնակցական երեսնը ինչ-որ կերպ հեռ վերցնի կամ գոնե խմբագրի 2022թ. հոկտեմբերի 6-ին Պրահայում Նիկոլի կողմից Արթուրյանի սարածային ամբողջականությունը (ներառյալ Արցախը) ճանաչելու հայտարարությունը, ապա Ռուսաստանը դառնաւ կիսի կրկին վերադառնալ Արցախի կարգավիճակի հարցին:

Ես կարծում եմ նաեւ, որ Արթուրյանի հայտարար քաղաքականության արդյունքում ստեղծված հումանիտար ճգնաժամը պատճառ կհանդիսանա, որ ԱՄՆ եւ ԵՄ մի շարք երկրներ եւս վերադառնան Արցախի կարգավիճակը փակված չլինելու հարցին, եթե Նիկոլը հրապարակային բացատրի, որ իրեն ճիշտ չեն հասկացել, կամ որ դա Հայաստանի կողմից չվավերացված եւ միայն կառավարության ղեկավարի բանավոր հայտարարություն էր:

Ընդ որում՝ հղում անելով Արցախում ստեղծված հումանիտար աղետի ցեղասպանական հետեւանքների վրա՝ Նիկոլը կարող է ինքը փոխել իր հայտարարությունը եւ այն անել այլ կերպ (Վարդան Օսկանյանը ձեւակերպել է, թե ինչպէս), ընդ որում՝ դա բացատրելով այն հանգամանքով, որ ակնհայտ են դարձել, որ Արթուրյանը չի ցանկանում ապահովել Արցախի ժողովրդի անվտանգությունն ու իրավունքները եւ պատրաստ չէ միջազգային երաշխիքներով Ստեփանակերտ-Բաքու երկխոսությանը:

Այս թեզի հակառակորդները կասեն, որ դա հղի է պատերազմի վտանգով: Պատասխանը պարզ է. իսկ, ի՞նչ է, այսօր չկա՞ պատերազմի վտանգ: Վտանգը լինելու է այնքան ժամանակ, քանի դեռ Հայաստանը չի դարձել ինքնուրույն գործոն եւ հստակ չի կանգնել իր շահերի պաշտպանության գծի վրա: Այսօր գերտերություններին պետք են վստահելի

գործընկերներ, ոչ թե խամաճիկային, սեփական անվտանգության հաշվին այս ու այն կողմ թռնող, աշխարհի ժամանակակիր դժվարություններից օգտվող եւ փող աշխատող անկայուն կերպարներ: Հայաքվեի նախաձեռնությանն օրենսդրական ուժ տալը կարող է փրկություն լինել ոչ միայն Հայաստանի ու Արցախի, այլ նաեւ Նիկոլի համար»:

ՌԱԶՄԱՏԵԽՆԻԿԱԿԱՆ ՀԱՄԱՁԱՅՆԱԳԻՐ

Երեքշաբթի օրը Ազգային ժողովում կայացած նիստում խորհրդարանը վավերացրել է 2019 թվականի ապրիլին Հայաստանի եւ Չեխիայի կառավարությունների միջեւ ստորագրված ռազմատեխնիկական համագործակցության մասին համաձայնագիրը:

Փաստաթուղթը ներկայացնելով՝ պաշտպանության փոխնախարար Արման Սարգսյանը նշեց, որ փաստաթուղթը սահմանում է ռազմատեխնիկական համագործակցության ոլորտները, այդ թվում՝ ռազմական արտադրանքի արտադրության, ներմուծման, լիցենզավորման եւ որակի վերահսկման մասնագետների պատրաստման գործընթացը:

Համաձայնագիրը նախատեսում է նաեւ օգնություն ռազմական արդյունաբերության ոլորտում մասնագիտացած ընկերություններին եւ տեղեկատվության փոխանակմանը:

Հավելելով, որ ռազմատեխնիկական համագործակցության հայ-չեխական համաձայնագրին կողմ է քվեարկել նաեւ խորհրդարանական ընդդիմությունը:

ՈՒԿՐԱԻՆԱՅԻ ԿՈՐՈՒՄՏՆԵՐԸ

Հակահարձակման ընթացքում Կիեւն արդեն կորցրել է 71 հազար մարդ եւ շատ տեխնիկա, սակայն արդյունքի չի հասել:

«Այնպիսի զգացողություն է, որ «իրենց ժողովուրդը չէ, երբ որանց նետում են մարտի»», - նշել է Պուտինը:

Նախագահի խոսքով՝ Ռուսաստանը չի կարող դադարեցնել ռազմական գործողությունները, մինչ Ուկրաինան հակահարձակում է իրականացնում:

«Արեւմտյան գեւեղի եւ հրթիռների, այդ թվում՝ սպառված ուրանի, զինամթերքի մատակարարումը միայն կերկարաձգի հակամարտությունը», - վստահեցրել է Պուտինը:

ՄԵՂԱԳՐԱՆՔ՝ ՊԱՏԳԱՄԱՎՈՐԻՆ

ԱԺ նախկին ԶՊ պատգամավոր, ՊՎԾ նախկին ղեկավար Տիգրան Ուլիխանյանին մեղադրանք է առաջադրվել:

«Ժողովուրդ» օրաթերթին հասած տեղեկությունների համաձայն՝ Տիգրան Արմենի Ուլիխանյանին մեղադրանք է առաջադրվել այն բանի համար, որ նա, օրենքով սահմանված կարգով գրկված լինելով տրանսպորտային միջոցներ վարելու իրավունքից, վարել է տրանսպորտային միջոց:

Վերջինիս գործով նախաքննական մարմինը նախաքննության ավարտ է հայտարարել եւ գործը ուղարկել է դատարան: Նրան մեղադրանք է առաջադրվել՝ ՀՀ քրեական օրենսգրքի 344-րդ հոդվածի առաջին մասի հատկանիշներով (Տրանսպորտային միջոցներ վարելու իրավունքից զրկված կամ տրանսպորտային միջոցներ վարելու իրավունքը կասեցված անձի կողմից տրանսպորտային միջոց վարելը պատժվում է տուգանքով՝ առավելագույնը տասնապատիկի չափով, կամ հանրային աշխատանքներով՝ առավելագույնը հարյուր ժամ տեւողությամբ, կամ կարճաժամկետ ազատազրկմամբ՝ առավելագույնը մեկ ամիս ժամկետով):

Ինչ կապակի դատարանում ԶՊ-ական նախկին պատգամավորին, կիմանանք՝ հետեւելով զարգացումներին:

ՕՐՎԱ ԽՃԱՆԿԱՐ

ՄԱՀԱՊԱՏԻԺՆ ԱՐԳԵՎՎԵՑ

Ազգային ժողովը վավերացրեց «Բոլոր դեպքերում մահապատժի վերացման մասին» թիվ 13 արձանագրությունը:

«Ժողովուրդ» օրաթերթի փոխանցմամբ՝ ըստ էության, արձանագրությունն ամրագրում է, որ մահապատժը վերացվում է, եւ ոչ ոք չի կարող դատապարտվել եւ ենթարկվել մահապատժի, իսկ արձանագրության դրույթների որեւէ վերապահում կունվենցիայի 57-րդ հոդվածի մասով թույլատրելի չէ:

Արձանագրության վավերացումը համահունչ է Հայաստանի՝ որպես մահապատժը ամբողջական վերացման կողմնակից պետության քաղաքականությանը: Ավելին՝ մահապատժն արդեն արգելված է Հայաստանի Սահմանադրությամբ:

ՇՔԵՂ ԳՈՐԾՈՒՂՈՒՄՆԵՐ

«Քաղաքացիական պայմանագիր» խմբակցության պատգամավորները շարունակում են պետությունից հաշվին իրենց գործողությունները: Այս անգամ հերթը պատգամավոր Արուսյակ Զուլիալյանինն է:

«Ժողովուրդ» օրաթերթը տեղեկացավ, որ նա սեպտեմբերի 20-23-ը կմեկնի Ռեյնլանդի Եվրոպայի խորհրդի խորհրդարանական վեհաժողովի (ԵԽԽՎ) Միգրացիայի, փախստականների եւ տեղահանված

անձանց հարցերի հանձնաժողովի նիստի աշխատանքներին մասնակցելու համար: Պատգամավորի գործուղման հետ կապված ծախսերը՝ ճանապարհածախսը, օրապահիկը, ինչպես նաեւ գիշերավարձը կկատարվի պետությունից հաշվին:

ԱԶՄՏՎԵՑ ՊԱՇՏՈՆԻՑ

«Ժողովուրդ» օրաթերթի փոխանցմամբ՝ ՀՀ վարչապետ Նիկոլ Փաշինյանը նոր հրամանագիր է ստորագրել, ըստ որի՝ ղեկավարվելով «Հանրային ծառայության մասին» օրենքի 9-րդ հոդվածի 4-րդ մասով՝ Ծովինար Սողոմոնյանին 2023 թվականի սեպտեմբերի 15-ից ազատել են Պետական եկամուտների կոմիտեի նախագահի տեղակալի պաշտոնից:

ԲԵՌՆԵՐԻ ՊԱՐՈՒՆԱԿՈՒԹՅՈՒՆԸ

«Ժողովուրդ» օրաթերթին ԱՀ սոցիալական զարգացման եւ միգրացիայի նախարարությունից տեղեկացնում են, որ սեպտեմբերի 12-ին Ասկերան քաղաքով Արցախ է մուտք գործել ռուսական Կարմիր խաչի մեկ բեռնատար մեքենա՝ բեռնավորված ռուսական արտադրության հումանիտար բեռներով:

Նախարարությունից ներկայացրին այն ապրանքատեսակների ցանկը, որը

մուտք է գործել Արցախի Հանրապետություն: Մասնավորապես, բեռներում եղել են՝

- 1. Մթերքներ - 1000 հավաքածու: Մեկ հավաքածուի մեջ մտնում են՝ Արեւածաղիկ ձեթ, Շաքարավազ, Ալյուր, Մակարոնեղեն, Չավարեղեն, Տուշոնկա: Մեկ հավաքածուի քաշը՝ 11 կգ
 - 2. Անկողնային պարագաներ՝ 270 հավաքածու: Մեկ հավաքածուի մեջ մտնում են՝ Սպիտակեղենի հավաքածու, Բարձ, Ծածկոց
 - 3. Հիգիենայի պարագաների հավաքածու: Մեկ հավաքածուի մեջ ներառված են՝ Ատամի խոզանակներ, Օճառներ, Ջերմաչափ
 - 4. Մանկական հավաքածուներ: Մեկ հավաքածուի մեջ ներառված են՝ Կիսել, Վիտամիններ, Ատամի խոզանակներ, Պյուրե
- «Հումանիտար օգնությունը տրամադրվելու է մեր բնակչությանը, որի վերաբերյալ հավելյալ կտեղեկացնենք», - տեղեկացնում են Արցախի Հանրապետության սոցիալական զարգացման եւ միգրացիայի նախարարությունից:

ՀԱՄԱԶԱՅՆՈՒԹՅՈՒՆ

ՇԵՆՔԸ ՎԵՐԱԴԱՐՁՎԵՑ ՂՂ-ԻՆ

«Ժողովուրդ» օրաթերթի սեղեկություններով Գլխավոր դասախազությունը ղեկավարած Գլխավոր դասախազության հայց հարուցելու լիազորության Երջանակում 2022 թվականի նոյեմբերի 18-ին Հայաստանի դասնության եւ մշակույթի առաջին հուշահամաժամանակի ղեկավար Գլխավոր ղեկավար Երջանակում 3 հասցեի շենքը (հանրության Երջանակում հայցնի «ԱՕԿՍ»-ի շենքը) Հայաստանի Հանրապետությանը վերադարձնելու նույնպես հայց եր հարուցել Վարչական դասարան:



Նշենք, որ հայց հարուցելու հիմքում դրվել էր այն հանգամանքը, որ Հայկական Սովետական Սոցիալիստական Հանրապետության մինիստրների սովետի 1955 թվականի նոյեմբերի 24-ի թիվ 699 կարգադրությամբ՝ Արտասահմանյան երկրների հետ մշակութային կապերի կոմիտեի՝ «ԱՕԿՍ»-ի հաշվեկշիռն հանձնվել էր գույք, այդ թվում՝ Արվարյան 3 հասցեի շենքը: Հետագայում 1992 թվականի հուլիսի 30-ին, ստեղծվել է «Արտասահմանյան երկրների հետ մշակութային կապի եւ համագործակցության հայկական ընկերություն» կազմակերպությունը, որը, առանց օրինական հիմքերի, հանդես է եկել որպես Արտասահմանյան երկրների հետ մշակութային կապերի կոմիտեի իրավահաջորդ եւ 2001 թվականին, ներկայացնելով իր ստեղծումից շուրջ 37 տարի առաջ ընդունված վերոհիշյալ կարգադրությունը, ստացել է «ԱՕԿՍ»-ի շենքի նկատմամբ սեփականության իրավունքի գրանցման վկայական: Նկատի ունենալով վերոգրյալը՝ Գլխավոր դատախազությունը Վարչական դատարան ներկայացված հայցով պահանջում էր անվավեր ճանաչել Կարգադրության կոմիտեում Արտասահմանյան երկրների հետ մշակութային կապի եւ համագործակցության հայկական ընկերության 2001 թվականի հուլիսի 3-ին եւ «ԱՕԿՍ» ՍՊ ընկերության անվամբ 2011 թվականի նոյեմբերի 25-ին կատարված իրավունքի պետական գրանցումները: Հավելենք, որ հայցադիմումը Վարչական դատարան էր մուտքագրվել 2022 թվականի նոյեմբերի 22-ին: 2023 թվականի սեպտեմբերի 8-ին Հայաստանի Հանրապետության գլխավոր դատախազության եւ մշակույթի անօրինակատերերի միջեւ կնքվել է հաշտության համաձայնություն: Համաձայնությունը նույն օրը մուտք է արվել Վարչական դատարան: Դատարանի կողմից հաշտության համաձայնությունը հաստատվելուց հետո

Արվարյան 3 հասցեում գտնվող 526.9 քմ շենքի եւ 0,0467 հա մակերեսով հողամասի սեփականության իրավունքը կփոխանցվի Հայաստանի Հանրապետությանը: Հիշեցնենք, որ Հայաստանի Հանրապետության սեփականությունը հանդիսացող պատմության եւ մշակույթի անօրինակատերերի ապօրինի մասնավորեցման վերաբերյալ քննվող քրեական վարույթով նախաքննությունը Ազգային անվտանգության ծառայության քննչական գլխավոր վարչությունում շարունակվում է:

ՈՒՇԱԳՐԱՎ

ԿԱՆ ԶԵՐԲԱԿԱՎԱԾՆԵՐ

«Ժողովուրդ» օրաթերթի սեղեկություններով՝ սեպտեմբերի 11-ին Հայաստան-հորվաթիա ֆուտբոլային հանդիպման ժամանակ ֆիզիկական ներգործություն կատարելու կասկածանքով ձերբակալվել են հորվաթիայի երկու քաղաքացիներ եւ մեկ թիմի ղեկավար: Մեզ հասած տեղեկությունների համաձայն՝ նրանք բացատրություն են տվել, թե ինչի համար են վիճել, ու բաց են թողնվել: Հիշեցնենք, որ երեկ ֆուտբոլային խաղի ժամանակ ծեծկռտուք էր տեղի ունեցել հայ եւ իտալացի երկրպագուների միջեւ, իսկ խաղն ավարտվել է Հայաստանի հավաքականի պարտությամբ:

ՀԱՇՎԱՊԱՐԻ ՀԱՓՇՏԱԿՈՒԹՅՈՒՆՆԵՐԸ

«Ժողովուրդ» օրաթերթին հայտնի դարձավ, որ Արմեն Խանամիրյանին մեղադրանք է առաջարկվել: Նա, 2011 թվականի սեպտեմբերի 1-ից մինչեւ 2018 թվականի սեպտեմբերի 3-ն ընկած ժամանակահատվածում հանդիսանալով «Սեքյուրիթի Դրիմ» ՍՊ ընկերության գլխավոր հաշվապահ եւ օգտվելով «Հաշվապահական հաշվառման մասին Հայաստանի Հանրապետության» օրենքի 9-րդ հոդվածով գլխավոր հաշվապահին վերապահված լիազորություններից, 2017 թվականի փետրվարի 15-ից մինչեւ 2018 թվականի մայիսի 31-ն ընկած ժամանակահատվածում միջոցներ տրամադրելու՝ կեղծ կատարողական ակտերն օգտագործելու եւ իրացնելու եղանակով օժանդակել է «Սեքյուրիթի Դրիմ» եւ «Ալլիպա Ջիլ» ՍՊ ընկերությունների համահիմնադիրներ Ալեքսան եւ Գուրգեն Զաքարյանների: Նաեւ «Սեքյուրիթի Դրիմ» ՍՊ ընկերության տնօրեն Կարեն Կարապետյանի կողմից նախնական համաձայնությամբ խարդախությամբ ուրիշի առանձնապես խոշոր չափերի գույքը հափշտակելու մեկ միասնական դիտավորությունը, եւ Ս. Սահակյանի ու Ա. Զաքարյանի կողմից նախնական համաձայնությամբ կազմված ծառայությունների մատուցման վերաբերյալ իրականությանը չհամապատասխանող, իրավունք վերապահող պաշտոնական փաստաթուղթ հանդիսացող կեղծ կատարողական ակտերը ստանալով եւ տեղյակ լինելով դրանց կեղծ լինելու հանգամանքի մասին, Նշված կատարողական ակտերը տնօրեն Կ. Կարապետյանի հետ օգտագործել, եւ դրանց հիման վրա կազմել են հանձնման-ընդունման արձանագրություններ: Դրանց հիման վրա՝ Ա. Խանամիրյանը կազմել է հարկային հաշիվներ եւ դրանք իրենց ամբողջությամբ մեջ իրացրել, ներկայացրել ՀՀ ոստիկանության «Ճանապարհային ոստիկանություն» ծառայության ֆինանսական բաժանմունք՝ խաբեության եղանակով Հայաստանի Հանրապետությունից հափշտակելով առանձնապես խոշոր չափերի՝ ընդհանուր 770.960.963 ՀՀ դրամ գումար:

ՀԱՅՏՆԱԲԵՐԵՑԻՆ

ԶՂԱՅՏԱՐԱՐԱԳՐՎԱԾ ԶՈՒԼԱԿՏՈՐՆԵՐ

Գլխավոր դասախազության ճեմարանական գործունեության դեմ ուղղված հանցագործությունների գործերով վարչությունում ուսումնասիրվել է Ռուսաստանի Գաղութային Հայաստանի Հանրապետություն ուսկյա ձուլակցորներ ներմուծելու վերաբերյալ չորս վարույթ:

կիրառվում. կազմվել են մաքսանենգության դեպքերի վերաբերյալ արձանագրություններ: 2022 թվականի հոկտեմբերի 27-ին 7 անձի նկատմամբ հարուցվել է հանրային քրեական հետապնդում՝ Քրեական օրենսգրքի 292-րդ հոդվածի 1-ին մասով (մշակութային արժեքների եւ ռազմավարական տեսակետից կարեւոր հուշարձանի ապրանքների մաքսանենգություն, որը կատարվել է սահմանված կարգով չհայտարարագրելու միջոցով):

ման գործընթաց առհասարակ նախատեսված չէ): Նշենք, որ գլխավոր դատախազության տնտեսական գործունեության դեմ ուղղված հանցագործությունների գործերով վարչության դատախազների կողմից կիրառվել են դատախազական ներգործության միջոցներ, որոնց արդյունքում 7 անձանց մեղադրանքը փոփոխվել է, նրանց արարքը որակվել է Քրեական օրենսգրքի 290-րդ հոդվածով (հարկերը, տուրքերը կամ այլ վճարներ չվճարելը):

2023 թվականի մայիսի 29-ին մեղադրյալների նկատմամբ հարուցված քրեական հետապնդումը դադարեցվել է՝ Քրեական դատավարության օրենսգրքի 12-րդ հոդվածի 1-ին մասի 1-ին կետի (ռեաբիլիտացիոն) հիմքով, այն է՝ քրեական հետապնդում չպետք է հարուցվի, իսկ հարուցված քրեական հետապնդումը ենթակա է դադարեցման, եթե անձը չի կատարել իրեն մեղսագրվող արարքը (ԵՄՏՄ շրջանակներում մաքսային հսկողության եւ մաքսային հայտարարագր-

Արդյունքում վերականգնվել է պետությանը պատճառված 151 մլն 713 հազար 273 դրամի վնասը, իսկ վերոնշյալ անձանց նկատմամբ, Քրեական օրենսգրքի 290-րդ հոդվածի 5-րդ մասի հիման վրա (եթե անձն ամբողջությամբ վճարել է չվճարված հարկերը, տուրքերը կամ այլ վճարները եւ դրանց չվճարման համար հաշվարկված տույժերը, ազատվում է քրեական պատասխանատվությունից), կայացվել են քրեական հետապնդում չհարուցելու մասին որոշումներ, այդ թվում՝ ոչ ռեաբիլիտացիոն հիմքով:

● Ըստ ոստիկանության տվյալների՝ սեպտեմբերի 11-ից 12-ը Հայաստանի Հանրապետությունում բացահայտվել է հանցագործության 46 դեպք, որոնցից 3-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ՎԱՏԹԱՐ ՎԻՃԱԿԻ ԳՊՐՈՑՈՒՄ

Հաղարծնի դպրոցի պատմության ուսուցչուհի Լիաննա Ղազինյանն ուսումնական տարին սկսվելուց առաջ դիմել է դպրոցի տնօրեն Գոհար Թամամյանին, թե ինչու իրեն դասղեկություն չի տալիս:

Լ. Ղազինյանը գրավոր դիմել է նաև Տավուշի մարզպետ Հայկ Ղալումյանին, սակայն հարցը չի լուծվել: Գոհար Թամամյանի հարազատ քույրը՝ 1960 թ.-ին ծնված Գայանե Թամամյանը՝ Հանրային հեռուստաընկերության Տավուշի մարզում լրագրողը 2015թ.-ից Հաղարծնի միջնակարգ դպրոցում զբաղեցնում է ՂՎԿ (դաստիարակչական աշխատանքների կազմակերպիչ) պաշտոնը: Մարզպետ Հ. Ղալումյանին տեղեկատվական հարցում ենք արել, թե ինչու դպրոցի տնօրեն Գոհար Թամամյանը Ղազինյանին դասղեկություն չի տալիս:

Մարզպետը պատասխանել է. «Ուսուցչուհուն դասղեկություն տալու հարցը որոշում է դպրոցի տնօրենը»: Հաղարծնի դպրոցից հայտնում են, որ Գայանե Թամամյանը Հաղարծնի դպրոց աշխատանքի է գնում իր ցանկացած ժամանակ, կեսօրին մոտ, երբ ցանկանում, գործից տուն է գնում:

Մարզպետ Հ. Ղալումյանը, պատասխանելով իմ հարցմանը, Գայանե Թամամյանի երկրորդ աշխատանքի մասին նշել է. «Քանի որ լրագրողի աշխատանքը ամբողջովն աշխատանքային գրաֆիկ չունի, հետևաբար այդ հանգամանքը չի կարող խանգարել 0,5 դրույքաչափով իր աշխատանքային պարտականությունները լիարժեք կատարելուն»:

Մեծ թվով աշակերտներ ունեցող Հաղարծնի դպրոցի տնօրեն, 62-ամյա Գոհար Թամամյանը իր պարտականությունները կատարելուն զուգահեռ, նաև դասղեկություն է անում: Ղազինյանը հայտնեց, որ 2018թ.-ին Տավուշի մարզպետարանի իր բողոքի հետքերով Հաղարծնի դպրոց են ժամանել այն ժամանակ փոխմարզպետ Տիգրան Թամրազյանը եւ մարզպետարանի կրթության, մշակույթի եւ սպորտի վարչության մասնագետ Հասմիկ Խաչատրյանը եւ երբ Լիաննան մարզպետարանի պաշտոնյաների ներկայությամբ Գ. Թամամյանին ասել է, որ թե նա ինչու է դասղեկություն անում, սակայն դասղեկությունը ձեւակերպում այլ ուսուցչի անունով, վերջինս աշխատավարձը ստանալով՝ հանձնել է իրեն, Գ. Թամամյանն արդարացել է, թե իբր դասղեկի հարմար թեկնածու չկար: Լ. Ղազինյանի վկայությամբ Գ. Թամամյանը որպեսզի արդարացնի իրեն դասղեկություն չտալը, միջնորդավորված ձեւով, Դիլիջանի համայնքապետարանի նախկին աշխատակցուհու, այժմ կադաստրի կոմիտեի Դիլիջանի գրասենյակի պետի՝ Հաղարծնի դպրոցի աշխարհագրության ուսուցչուհու արջկա միջոցով կազմակերպել է դասարանի աշակերտների ծնողների ստորագրահավաք, իբր ծնողները դեմ են, որ Լ. Ղազինյանը դասղեկություն անի:

Լ. Ղազինյանը հանդիպել է այդ ծնողների հետ, ծնողներից ոմանք հայտնել են, որ իրենց ստորագրել են տվել սպիտակ թղթի տակ, ոմանք հայտնել են՝ իրենք չեն իմացել, թե ինչի տակ են ստորագրում, ոմանք էլ Լիաննային ասել են՝ քեզ չենք ճանաչում, ո՞նց կարող ենք դժգոհ լինել քո աշխատանքից:

ՈՍԿԱՆ ՍՈՐՈՑՅԱՆ Տավուշ

ԿՐԹԱԿԱՆ

ԴԱՍԱՐԱՆՆԵՐԻ ԿԱԶՄԱՎՈՐՄԱՆ ՓՈՓՈԽՈՒԹՅՈՒՆՆԵՐ

«Ժողովուրդ» օրաթերթի Տեղեկություններով հանրակրթական հիմնական ծրագրեր իրականացնող դեպարտմենտի կազմավորման կարգում կատարվել են փոփոխություններ. ըստ այդմ լրամատչելի է ՀՀ կառավարության 2018 թվականի օգոստոսի 30-ի N 954-Ն որոշումը:

ԿԳՄՄ-ից «Ժողովուրդ» օրաթերթին հայտնում են, որ սահմանվել է, որ մինչև հանրակրթության նոր պետական չափորոշի ամբողջական ներդրումը՝ 2026 թվականի սեպտեմբերի 1-ը, հանրակրթական հիմնական ծրագրեր իրականացնող պետական ուսումնական հաստատություններում կրթական 1-ին եւ 2-րդ աստիճաններում (տարրական եւ հիմնական) յուրաքանչյուր դասարանում սովորողների առավելագույն թիվը 35 է, իսկ կրթական 3-րդ աստիճանում (ավագ)՝ 30:

Կարգով սահմանվել են դրույթներ հաստատությունում միեւնույն առարկան ուսումնասիրող բազմահամակարգ դասարանների ձեւավորման վերաբերյալ, որոնք 2023-2024 ուսումնական տարվա սեպտեմբերի 1-ից ուժի մեջ են մտել միայն Սյունիքի մարզում (30-35 կոմպլեկտավորման սկզբունքով):

Հանրապետության մյուս մարզերում գործում է բազմահամակարգ դասարանների ձեւավորման սկզբունքը՝ համաձայն ՀՀ ԿԳՄՍ նախարարի 2019 թ. հոկտեմբերի 14-ի N 22-Ն հրամանի կարգավորումների (30-35 կոմպլեկտավորման սկզբունքով):

Միաժամանակ նաև տրվել է կարգավորում, ըստ որի՝ հանրակրթական հիմնական ծրագրեր իրականացնող պետական ուսումնական հաստատությունների համապատասխան դասարաններում, որ-



տեղ, ըստ սահմանված ժամանակացույցի, ներդրվում է հանրակրթության պետական չափորոշիչը, բազմահամակարգ դասարաններ չեն ձեւավորվի: Հետևաբար, 2023-2024 ուսումնական տարում ՀՀ բոլոր դպրոցների (բացառությամբ Սյունիքի մարզի, որտեղ ներդրվում է նոր մեխանիզմը, եւ Տավուշի մարզի, որտեղ ամբողջությամբ նոր չափորոշչով է ուսուցում իրականացվում) 2-րդ, 5-րդ եւ 7-րդ դասարանները ձեւավորված բազմահամակարգ դասարաններին չեն միավորվելու:


Միաժամանակ տրվել են կարգավորումներ հատուկ դպրոց-ռեսուրս կենտրոնների, մասնագիտացված ուսումնական հաստատությունների, կրթության առանձնահատուկ պայմանների կարիք ունեցող սովորողների (մանկավարժահոգեբանական հաստատությունների համակարգի կարիք ունեցող երեխանե-

րով համալրված դասարաններում (ուսումնական խմբերում)) առավելագույն թվի վերաբերյալ:

Նշենք նաև, որ միջնակարգ դպրոցի 3-րդ աստիճանում սովորողների մասնագիտական նախասիրություններն ու կողմնորոշումը զարգացնելու նպատակով ձեւավորվում են միեւնույն առարկան կամ միեւնույն բնագավառում միեւնույն առարկայական ծրագիրն ուսումնասիրող առանձին խմբեր:

Նշենք, որ նախատեսվում է, որ 2026 թվականի սեպտեմբերի 1-ից հանրակրթական հիմնական ծրագրեր իրականացնող պետական ուսումնական հաստատություններում կրթական 1-ին եւ 2-րդ աստիճաններում (տարրական եւ հիմնական) յուրաքանչյուր դասարանում սովորողների առավելագույն թիվը լինելու է 25, իսկ կրթական 3-րդ աստիճանում (ավագ)՝ 20:

Միջազգային ՀԱՅԱՍՏԱՆԸ ԶԱՆԱԶԵԼ Է



«Եթե Հայաստանը Լեռնային Ղարաբաղի Ադրբեյջանի մաս է ճանաչել, վերջ էլ ինչի՞ մասին է խոսքը», - ասել է Ռուսաստանի նախագահ Վլադիմիր Պուտինը Արեւելյան տնտեսական ֆորումի լիագումար նիստում իր ելույթի ժամանակ: «Սա է ամբողջ ինդիքի առանցքային բաղադրիչը: Ղարաբաղի կարգավիճակը հենց Հայաստանն է որոշել. դա է ինդիքը», - ասել է Ռ-Ռ նախագահը:

Խոսելով Հայաստանի հետ երկկողմ հարաբերությունների վերջին իրադարձու-

թյունների մասին, որոնք ոմանք բնութագրում են որպես ճգնաժամ եւ հետընթաց, Պուտինը համաձայն չէ նման մեկնաբանության հետ: «Չեմ կարծում, որ շրջադարձ կա. մենք տեսնում եւ հասկանում ենք, թե ինչ է տեղի ունենում», - ասել է Ռ-Ռ ղեկավարը:

Միջոցառման վարողի հարցին, թե արդյոք Փաշինյանն այս օրերին զանգահարել է իրեն, Պուտինը հայտնել է, որ ՀՀ վարչապետից նամակ է ստացել:

«Մենք Հայաստանի հետ խնդիրներ չունենք, Փաշինյանի հետ էլ խնդիրներ չկան, մենք անընդհատ կապի մեջ ենք նրա հետ», - նշել է Ռ-Ռ նախագահը:

ԱՐՏԱՀԱՆՈՒՄ ԻՐԱՆԻՑ

Իրանի հյուսիս-արեւմուտքում գտնվող Արեւելյան Ատրպատական նահանգի մաքսատներով վերջին հինգ ամսում դեպի աշխարհի 90 երկրներ, այդ թվում՝ Հայաստան, 560 միլիոն դոլարի ապրանք է արտահանվել: Այս մասին հայտնել է մաքսային հսկիչ Լեյլի Օրանգին:

Իրանի Ատրպատականի մաքսատներից 560 մլն դոլարի արտահանում է իրականացվել դեպի 90 երկիր, այդ թվում՝ Հայաստան:

Նա հայտարարել է, որ Արեւելյան Ատրպատական նահանգի մաքսատներից ար-

տահանման հիմնական թիրախային երկրներն են Հայաստանը, Թուրքիան, Իրաքը, Բուլղարիան, Վրաստանը, Ադրբեյջանը, Աֆղանստանը, Ռուսաստանը, Արաբական Միացյալ Էմիրությունները եւ Պակիստանը:

ՎԱՅՐԷԶՔԻ ՊԱՏՃԱՌԸ

Սոչի-Օմսկ չվերթը խափանվել է: Ինքնաթիռը վայրէջք է կատարել Նովոսիբիրսկի մարզում՝ բաց դաշտում:

Վայրէջքի պահին ինքնաթիռում եղել է 159 ուղևոր, այդ թվում՝ 23 երեխա:

Հայտնի է դարձել, որ ուղևորներից մեկի ինքնազգացողությունը վատացել է, ունեցել է զարկերակային զերծնշում: Նրան տեղում բուժօգնություն են ցուցաբերել:

Այժմ քննիչները եւ օդային տրանսպորտի դաշնային գործակալությունը պարզում են միջադեպի պատճառներն ու հանգամանքները:

Ինքնաթիռի օդաչուն վթարի մասին խոսելիս նշել է, որ ինքնաթիռում վառելիքը գրեթե սպառվել էր, ուստի տեղի է ունեցել հիդրավիկ խափանում:

Անձնակազմը մտավախություն ուներ, որ չվերթը ավելի վատ ավարտ կարող է ունենալ, դրա համար որոշել են վայրէջք կատարել Նովոսիբիրսկում:

ՕՖԵԼՅԱ ՀՈՎԿՅԱՆՆԻՅԱՆ

● Անցած 1 օրվա ընթացքում Հայաստանի Հանրապետությունում արձանագրվել է 13 ՃՏՊ. 1 մարդ զոհվել է, 17-ը՝ ստացել տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ԻՐԱԶԵԿՈՒՄ

ՏՈՒՆՏԱԳՐՈՒՅՔԻ ԻՋԵՑՎԵԼ Է

«Ժողովուրդ» օրաթերթի տեղեկություններով՝ սեպտեմբերի 12-ին տեղի է ունեցել Հայաստանի Հանրապետության կենտրոնական բանկի խորհրդի նիստ, որի ժամանակ որոշվել է իջեցնել վերաֆինանսավորման տոկոսադրույքը 0.5 տոկոսային կետով՝ սահմանելով 9.75 %:

ԿԲ-ից «Ժողովուրդ» օրաթերթին հայտնում են, որ որոշվել է Հայաստանի Հանրապետության կենտրոնական բանկի կողմից տրամադրվող լուծարողային ռեպոյի տոկոսադրույքը սահմանել 11.25 %, իսկ Հայաստանի Հանրապետության կենտրոնական բանկի կողմից բանկերից ներգրավվող միջոցների տոկոսադրույքը՝ 8.25 %:

Հավելելով, որ Կենտրոնական բանկն այս տարվա համար բարձրացրել է տնտեսական աճի իր կանխատեսումը՝ հասցնելով 7.2 տոկոսի:

«Ժողովուրդ» օրաթերթի փոխանցմամբ՝ այս մասին հայտնեց Կենտրոնական բանկի նախագահ Մարտին Գալստյանը:

«Մենք շատ փոքր չափով վերանայել ենք տնտեսական աճի ցուցանիշը, նախկինում կանխատեսվող 6.9-ի փոխարեն այժմ կանխատեսում ենք 7.2 տոկոս՝ հիմնականում պայմանավորված ծառայությունների և շինարարության ոլորտների բարձր աճով»,-ասաց Գալստյանը:

ԱՆՎՃԱՐ ԳԵՂԵՐ

Ֆունկցիոնալության միջին աստիճանի սահմանափակումներ ունեցող անձանց համար հիմնական դեղերի ցանկում ընդգրկված դեղերը, նախկին 50% գեղջի փոխարեն, կտրվեն անվճար:

Այս մասին «Ժողովուրդ» օրաթերթին հայտնում է Առողջապահության նախարարությունը:

Իսկ ովքեր են շահառուները: Հայաստանի Հանրապետության կառավարության թիվ 642-Ն որոշմամբ սահմանվել է, որ հաշմանդամություն ունեցող անձին տրված տեղեկանքները (վարչական ակտերը) հիմք են սահմանված դեղերը ստանալու համար:

Տվյալ դեպքում, բժշկասոցիալական փորձաքննություն իրականացնող իրավասու պետական մարմնի որոշմամբ, անձի «3-րդ խմբի հաշմանդամ անձ» կարգավիճակը հավասարեցվում է անձի ֆունկցիոնալությունը գնահատող հանձնաժողովի որոշմամբ սահմանված «ֆունկցիոնալության միջին աստիճանի սահմանափակումով հաշմանդամություն ունեցող անձ» կարգավիճակին:

Նշենք, որ այս քաղաքացիների համար անվճար դեղերը հասանելի կլինեն առողջության առաջնային պահպանման ծառայություններ մատուցող բժշկական կազմակերպությունների (ամբուլատորիա, պոլիկլինիկա) միջոցով:

Հավելելով, որ հիմնական դեղերի անվանացանկը եւս լրամշակվել է թարմացվել է անհրաժեշտ նոր դեղերով:

ՆՊԱՍՏՆԵՐ

ՎՃԱՐՄԱՆ ԳՈՐԾԸՆԹԱՑՆԵՐԸ ԿՐՍՏԱԿԵՑՎԵՆ

Մինչև 2 սարեկան երեխայի խնամքի նոյասի եւ երեխայի ծննդյան միանվագ նոյասի նւանակման եւ վճարման գործընթացները կհստակեցվեն:

«Ժողովուրդ» օրաթերթի տեղեկություններով՝ ներկայացվող նախագծի ընդունումը պայմանավորված է «Պետական նպաստների մասին» օրենքի՝ ընտանեկան նպաստի, սոցիալական նպաստի եւ հրատապ օգնության վճարման հարաբերություններին առնչվող կարգավորումները «Անձի ֆունկցիոնալության գնահատման մասին» օրենքի պահանջներին համապատասխանեցնելու, ինչպես նաեւ մինչև երկու տարեկան երեխայի խնամքի նպաստի եւ երեխայի ծննդյան միանվագ նպաստի նշանակման եւ վճարման գործընթացները հստակեցնելու եւ լավարկելու անհրաժեշտությամբ:

«Պետական նպաստների մասին» օրենքում լրացումներ եւ փոփոխություններ կատարելու մասին» օրենքի նախագիծն առաջին ընթերցմամբ քննարկվել է ԱԺ հերթական նիստի ընթացքում: Այն ներկայացրել է աշխատանքի եւ սոցիալական հարցերի նախարարի տեղակալ Դավիթ Խաչատրյանը: Նշենք, որ առաջարկվող փոփոխություններով սահմանվում է նաեւ, որ օտարերկրյա պետությունում 33 դիվանագիտական ծառայության մարմիններում դիվանագիտական ծառայության պաշտոններ զբաղեցնող անձի, նրա՝ օտարերկրյա պետությունում գտնվող ամուսնուն, Հայաստանի Հանրապետության քաղաքացի հանդիսացող՝ դիվանագիտական ծառայության մարմիններում վարչատեխնիկական կամ սպասարկման անձնակազմում աշխատող անձի երեխայի ծննդյան միանվագ նպաստ կնշանակվի, եթե երեխայի ծննդի պետական գրանցումն իրականացրել է Հայաստանի Հանրապետության դիվանագիտական ծառայության մարմինը: Այս դեպքում երեխայի ծննդյան միանվագ նպաստ նշանակելու



համար դիմելու, նշանակելու եւ վճարելու առանձնահատկությունները սահմանելու է ՀՀ կառավարությունը: Օրենքից պետք է հանել երեխայի ծննդյան միանվագ նպաստ նշանակելուց եւ վճարելուց հետո նշանակված նպաստը բռնագանձելու պահանջն այն դեպքում, երբ նոր ծնված երեխայի հերթական կարգաթիվը որոշելու համար հաշվի առնված երեխան կամ նոր ծնված երեխան նպաստ նշանակելուց հետո հայտնվում են մանկատանը՝ հաշվի առնելով, որ երեխայի ծննդյան միանվագ նպաստը պարբերական բնույթ չունի, տրվում է կոնկրետ ծննդյան կապակցությամբ, եւ իրավունք տվող պայմանները սահմանված են դիմելու օրվա դրությամբ: Ըստ գեկուցողի՝ ներկայացվող նախագիծով կհստակեցվեն երեխայի ծննդյան միանվագ նպաստ նշանակելու եւ խնամքի նպաստի իրավունք տվող պայմանները՝ առանձնահատկություն ունեցող անձի միանվագ նպաստ նշանակելու եւ վճարելու համար: Հաջորդ

դիվ կհստակեցվեն նաեւ խնամքի նպաստ նշանակելու պայմանները՝ ա/ ծնողի եւ երեխայի՝ Հայաստանի Հանրապետության բնակչության պետական ռեգիստրում Հայաստանի Հանրապետության բնակչության վայրի հասցեով հաշվառված լինելը, բ/ երեխայի՝ Հայաստանի Հանրապետությունում գտնվելը: Հավելելով նաեւ, որ խորհրդարանը նախորդ նստաշրջանում քննարկել էր ԱԺ «Պատիվ ունեն» եւ ԱԺ «Հայաստան» խմբակցությունների՝ Մրցակցության պաշտպանության հանձնաժողովի անդամի պաշտոնում Անահիտ Սարգսյանի թեկնածությունն առաջադրելու հարցը: Սեպտեմբերի 12-ին ԱԺ-ն իրականացրել է քվեարկությունը: ԱԺ հաշվիչ հանձնախմբի նախագահ Նարեկ Բաբայանը տեղեկացրել է, որ 107 պատգամավորից քվեարկությանը մասնակցել է 33-ը: Առաջադրված թեկնածուի օգտին կողմ է քվեարկել 33 պատգամավոր: Անահիտ Սարգսյանի թեկնածությունը խորհրդարանը չի հաստատել:

«ԿՈՆՎԵՐՍ ԲԱՆԿ»

ԱՐԵԱՎ Է ՄԵԿՆԱՐԿԵԼ

«Կոնվերս բանկ»-ը մեկնարկել է նոր խրախուսման արշավ Visa Premium քարտապանների համար: Մինչևե հոկտեմբերի 31-ը կատարելով հանրագումարային 500,000 եւ ավելի ՀՀ դրամի կամ համարժեք արտարժույթի անկանխիկ գնումներ Visa Premium քարտերով՝ բանկի հաճախորդները կմասնակցեն խաղարկության, որի մրցանակային ֆոնդը ներառում է.

-ընտանեկան ուղեւորություն Abu Dhabi Ferrari World՝ նախատեսված մինչև 4 անձի համար (ամուսիններ եւ 2 երեխա),

-«Ջվարթնոց» օդանավակայանի VIP սրահով 5 երկկողմանի թռիչք՝ նախատեսված 2 անձի համար,

-30 կտրոն օդանավակայանի Fast Track-ից օգտվելու համար:

Մրցույթի մասնակիցները յուրաքանչյուր հանրագումարային 500,000 ՀՀ դրամի՝ համարժեք արտարժույթի անկանխիկ գործարքի դիմաց կստանան անհատական կոդ: Մրցույթում հաղթողները կորոշվեն «Կոնվերս բանկ»-ի ֆեյսբուքյան էջում ուղիղ եթերի ընթացքում քարտապանին տրամադրված անհատական կոդերից պատահական ընտրության միջոցով:

Բանկում նշել են, որ զուգահեռաբար Visa Premium քարտապանները կօգտվեն Visa վճարահաշվարկային համակարգի հետաքրքիր եւ տարաբնույթ առաջարկներից, ինչպես նաեւ պրեմիում քարտապանների համար բանկի եզակի առաջարկից:

««Կոնվերս բանկ»-ի պրեմիում քարտերը մրցակցային մեծ առավելություն ունեն Հայաստանում: Բանկը միակն է, որի պրեմիում քարտապան հաճախորդները, վճարելով ընդամենը 100 դրամ մուտքի վճար, մինչև 14 տարեկան երկու երեխայի հետ կարող են անսահմանափակ օգտվել «Ջվարթնոց» օդանավակայանի Business Lounge-ից»,-ասել են Բանկում:

Մանրամասները՝ conversebank.am, 010-511-211:

Բանկը վերահսկվում է ՀՀ ԿԲ կողմից:

5 iPhone 15՝ ՀԱՃԱԽՈՐԳՆԵՐԻՆ

Կապի Նոր չափորոշիչներ, USB Type-C, ականջակալ, 48 Mp գլխավոր տեսախցիկ, եւս մեկ գերընդգրկուն ու ամենաբարձր որակի տեսախցիկ, էներգիայի խնայողության չիպ... Սա միայն մի մասն է այն հնարավորությունների եւ տեխնիկա-

կան բնութագրերի, որ, համաձայն հրապարակումների, ունենալու է iPhone 15-ը: Նոր սերնդի ամենապատված սմարթֆոնը Apple ընկերությունը ներկայացրեց երեկ՝ իր աշնանային շնորհանդեսի ընթացքում, իսկ վաճառքը կմեկնարկի շնորհանդեսից մոտ երկու շաբաթ անց:

Մինչ միլիոնավոր մարդիկ ողջ աշխարհում սպասում են iPhone 15-ի վաճառքի մեկնարկին, «Կոնվերս բանկ»-ը ACT2WIN արշավի արդյունքում խաղարկությամբ ստանալու հնարավորություն է ընձեռում իր հաճախորդներին:

Մասնավորապես, արշավին մասնակցելու համար ընդամենը հարկավոր է.

- լինել Converse mobile օգտատեր,
- մինչև 2023 թվականի հոկտեմբերի 15-ը ներառյալ հավելվածով կատարել վարկի առնվազն մեկ մարում:

Վարկի մարում կատարած անձանց կուրդարկի անհատական կոդ. հաղթողները կորոշվեն բանկի ֆեյսբուքյան էջում կայանալիք ուղիղ եթերի ընթացքում: Արշավին կարող են մասնակցել նաեւ ներկայում բանկի Converse Mobile օգտատեր չհանդիսացող անձինք՝ ներբեռնելով հավելվածը, ակտիվացնելով այն եւ օգտվելով «Վարկի մարում» գործառնությից:

Մանրամասն՝ conversebank.am, 010-511-211:

Բանկը վերահսկվում է ՀՀ ԿԲ կողմից:

«Ժողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՇՈՒՒ ԲԻԶՆԵՍ

ՌԱՖԱՅԵԼՆ ՌԻ ՍՏԵՂԾԱԳՈՐԾԱԿԱՆ ԿՅԱՆՔԸ

Ռաֆայել Երանոսյանը «Ժողովուրդ» օրաթերթի հեռուգրություն խոսել է մայրիկի մահից հետո չկոսովելու, բարեգործությունների, սոցիալական ամուսնության, ստեղծագործական կյանքի բուռն օրջանի միայն:

«Եթե անկեղծ, երկար ժամանակ մտածում էի, թե Ձեզ ինչպես ճիշտ ներկայացնեմ, որովհետև Դուք սովորաբար ասում եք, որ դերասան եք եւ զբաղվում եք դերասանությամբ, իսկ այն, ինչ անում եք, «կողքից գործեր» են՝ ապրելու եւ գոյատևելու միջոցներ: Ծավելուց հետո՝ առաջին ամսին, կոչվել եք Սեւակ, անձնագրով՝ Ռաֆիկ, հանրային տիրույթում Ռաֆայել Երանոսյան, ընկերների շրջանում Ռաֆո: Ի վերջո, ո՞վ է հենց հիմա իմ գրուցակիցը:

«Նայե՛ք, վերջերս հորս հետ էի գրուցում այդ թեմայով պարզվում է, որ չնայած ես ի սկզբանե իմացել եմ, որ իմ անունը Սեւակ են դրել, դա այդքան էլ այդպես չէ: Գնացել էինք հանգստանալու հայրիկիս հետ, հարցրի, թե ինչու են հենց Սեւակ անունը նախընտրել, ասաց. «Տղա ջան, ոչ թե Սեւակ, այլ Սիմոն»: Փաստորեն, ի սկզբանե Սիմոն է եղել, հետո ծննդական են հանել, դրել Սեւակ 1-2 օրվա ընթացքում, հետո պատռել են ծննդականը, ես էլ մոտ վեց ամիս առանց ծննդականի ու անունի եմ մնացել, ի վերջո, Ռաֆիկ եմ դարձել:

Այս 42 տարիներիս ընթացքում ինչ կերպար որ մարմնավորել եմ թե՛ թատրոնում, թե՛ հեռուստատեսությունում, տարբեր անուններ են ունեցել, ու մինչև այսօր ինձ ամեն մեկը մի անունով հիշում է՝ ընկեր Կարո, Բաբայ, Զուլպա եւ այլն: Ծատ անուններ են տվել, ու այդ կերպարները իմ կյանքն են դարձել, ես իրենց հետ ինչ-որ էտապ եմ ապրել, իմ երեխայի պես սիրել եմ իրենց եւ հրամցրել եմ հանդիսատեսին: Ահա սրա համար էլ ինձ հոգեհարազատ է ամեն մի անունը, ամեն մի կերպարը, չնայած վերջերս ամեն բան փոխվել է. մարդիկ երբ տեսնում են ինձ փողոցում, նկատել եմ, որ սկսել են դիմել «պարոն Երանոսյան»-ով. երեւի արդեն մեծ մարդ եմ դրանից է:



«Եկեք հետ զննեք այն ժամանակաշրջանը, երբ տարիներ առաջ արմավիղցի Ռաֆիկը եկավ Երեւան հստակ նպատակով՝ դառնալու դերասան: Իհարկե, մենք երբ ունենում ենք հստակ նպատակ, շատ հաճախ անհողորդ գնում ենք դեպի այդ նպատակը՝ չջեղվելով, բայց կան ընկալումներ կենցաղային, որոնք շատ հաճախ ազդում են մեր նպատակալացության վրա: Ծառտերս ենք հասկանում, թե Արմավիրը (ավելի հասկանալի ասված՝ Զոկտեմբերյանը) ինչի հետ է ասոցացվում,

հոկտեմբերյանցի տղան՝ առավել ես: Այդ կադապարների մեջ արդյոք դժվար չէ՞ր գալ ու դառնալ դերասան Երեւանում:

«Երբ որ այստեղ կամ հյուրախաղերով Զայաստանից դուրս եմ գալիս, ու գալիս եմ, կես կատակ-կես լուրջ ուզում եմ ինչ-որ բաներ, որոնք իմ հետ որեւէ առջնություն չունեն, ես պաշտոնապես ասում եմ, որ ես ընդհանրապես այդ գործում չեմ եղել ու չկամ. դա կփաստեն նաեւ ինձ ճանաչողները: Միանշանակ դժվար էր սկիզբը, երբ որ ես պետք է գալիս քաղաք. ես ունեի հստակ նպատակ՝ ուզում էի դառնալ դերասան...»

Ձրույցն ամբողջությամբ՝ ArmLur.am կայքում
Ձրույցեց ՄԱՐԻԱՍ ՂԱԶՆՈՅԱՆԸ

ՍՊՈՐՏ

ՊՈՐՏՈՒԳԱԼԻԱՆ ՀԱՂԹԵՑ

«Եվրո-2024»-ի ընտրական մրցաշարի վեցերորդ տուրի խաղում Պորտուգալիայի հավաքականը տարել է ամենախոշոր հաշվով հաղթանակն իր պատմության մեջ:

Պորտուգալացիները 9:0 հաշվով պարտության էին մատնել Լյուքսեմբուրգի թիմին:

1994 եւ 1999 թվականներին Պորտուգալիան երկու անգամ 8:0 հաշվով հաղթել էր Լիխտենշտեյնին, 2003 թվականին 8:0 հաշվով պարտության էր մատնել Քուվեյթի թիմին:

«Եվրո-2024»-ի ընտրական մրցաշարի 2 խմբում Պորտուգալիան 6 խաղում վաստակել է տասնութ միավոր եւ առաջինն է: Պորտուգալացիները 24 գոլ են խփել, ոչ մի գոլ բաց չեն թողել:

Որակագրկման պատճառով Լյուքսեմբուրգի դեմ խաղը բաց թողեց Սաուդյան Արաբիայի «Ալ Նասրի» երեսուներեքամյա հարձակվող Կրիշտիանու Ռոնալդուն:

ՀԵՌԱՑԱՎ ՊԱՇՏՈՆԻՑ

Հիսուսվեցամյա ռուսաստանցի մասնագետ Ալեքսանդր Գրիգորյանը հեռացել է ռուսական «Կուբանի» գլխավոր մարզիչի պաշտոնից. այս մասին «Ժողովուրդ» օրաթերթը տեղեկանում է ակումբի մամուլի ծառայությունից:

«Հեռանում եմ, որպեսզի ճանապարհի ազատեմ «Կուբանի» ինչ-որ բան տալու հնարավորություն եւ կարողություն ունեցող մարդու», - ասել է մարզիչը:

Գրիգորյանն այս տարվա մայիսին էր գլխավորել թիմը: Ռուսաստանի առաջին լիգայի առաջնության ինը տուրից հետո «Կուբանը» 5 միավորով նախավերջին տեղում է:

ՆՎԱՃՈՒՄՆԵՐ ԾԱՆՐԱՄԱՐՏՈՒՄ

Հայաստանի ծանրամարտի հավաքականի անդամ Անդրանիկ Կարապետյանն աշխարհի առաջնությունում դարձավ փոքր ոսկե մեդալակիր:


«Ժողովուրդ» օրաթերթի հաղորդմամբ՝ Սաուդյան Արաբիայում ընթացող ծանրամարտի աշխարհի առաջնության 89 կգ քաշային կարգի տղամարդկանց պայքարում Հայաստանի հավաքականի անդամ Անդրանիկ Կարապետյանը «Պոկոն» վարժությունում նախ բարձրացրեց 150 կիլոգրամ ու այնուհետ՝ 175 կիլոգրամ:

Այս վարժությունում նա նվաճեց փոքր ոսկե մեդալ: «Հրում» վարժությունում հայ ծանրորդը երկու մոտեցմամբ բարձրացրեց 192 կիլոգրամ եւ 202 կիլոգրամ: Երկամարտի 377 կգ արդյունքում նա չորրորդն է:

Մինչ այս Հայաստանի հավաքականի կազմում վաթսուներեք կիլոգրամ քաշում Գոռ Սահակյանը դարձել էր ԱՄ-ի բրոնզե մեդալակիր, իսկ Ռաֆիկ Հարությունյանը նվաճել է փոքր բրոնզե մեդալ:

ԱՃԵՆԱՐԿ

ԱՐՑԱՆԻ ԵՐԶԱՓԱԿՄԱՆ ՄԱՍԻՆ



«Ժողովուրդ» օրաթերթի փոխանցմամբ՝ Քարոզայանների հայտնի դիմահարդար Զրուշ Աճեմյանը Գեղարքի վանքում արված լուսանկարների շարք է հրապարակել: Ամերիկահայ հայտնի ոճաբան իր աղոթքներում հիշատակել է Արցախի մասին:

«Մեր հայկական սրտերում մենք կրում ենք գոյատևածների ժառանգությունը՝ ճկունության, ուժի եւ անսասան ջանքերի

վկայությունը: Մենք բարձրացնում ենք մեր ծայրը, որպեսզի ոչ թե անդրադառնանք անցյալի վշտին, այլ լույս սփռենք ներկա սարսափի վրա, որը չպետք է կուտանք: Ադրբեջանի կողմից շրջափակումը դաժան եւ անսիրտ արարք է, որը կտրել է կյանքի ճանապարհն Արցախից՝ մեր սուրբ հողից, որտեղ քրիստոնյա հայերը կանգնած են ձեռք ձեռքի: Տարիներ շարունակ մենք ապավինում էինք Լաչինի միջանցքին օգնության, ապրուստի եւ բժշկության համար, բայց հիմա նրանք դա օգտագործում են իրենց խաղում: Ադրբեջանի կողմից սովի մարտավարությունը ամոթալի է», - հրապարակման մեջ գրել է Զրուշը՝ անդրադառնալով նաեւ 2020 թ-ի արցախյան 44-օրյա պատերազմին: Նա հավելել է, որ վիշտը դեռ մեր սրտերում է:

«Հրադադարի պայմանագիր է եղել, բայց հարձակումները շարունակվում են: Հայ զինվորները կանգնած են անգիջում պայքարի առաջ: Արմենաֆոբիան շարունակվում է: Ադրբեջանի կառավարության քաղաքականությունը անհոգի ժխտում է: Տարածաշրջանի խաղաղությունը չպետք է այսպիսի գին պահանջի: Արցախի ինքնիշխանությունը մի գիծ է, որը մենք չենք կարող խախտել: Այս շրջափակումը հակասում է մարդասիրության բոլոր օրենքներին», - հավելել է նա:

Հավելենք, որ բանաստեղծական ոճով իր գրառման մեջ Աճեմյանը շեշտել է՝ հայերը շարունակում են մնալ միասնական եւ ուժեղ՝ հանուն արդարության եւ ազատության եւ ի հեճուկս բոլոր սխալների:

«ՕՍԿԱՐ»-Ի ՀԱՎԱԿՆՈՐԳԸ

Հայաստանը 2024 թվականի «Լավագույն միջազգային խաղարկային ֆիլմ» անվանակարգում «Օսկարի» հավակնորդ է ընտրել «Ամերիկացի» ֆիլմը: Այս մասին «Ժողովուրդ» օրաթերթը տեղեկանում է Armenian Film Society-ի ֆեյսբուքյան էջից:

Ֆիլմի սցենարիստն ու ռեժիսորը Մայքլ Գուրջյանն է: «Ամերիկացի»-ն այժմ ցուցադրվում է Լոս Անջելեսի եւ Նյու Յորքի կինոթատրոններում: Ֆիլմի պրոդյուսերը People of Ar Productions ընկերությունն է:

«Ոչինչ չի կարող ինձ էլ ավելի մեծ հպարտություն պարգևել, քան այն, որ ներկայացնելու եմ հայկական կինոն եւ օգնելու եմ լույս սփռել մեր փոքրիկ երկրի հսկայական տաղանդի վրա», - ասել է Միքայել Գուրջյանը:

Հավելենք, որ «Օսկար»-ի մրցանակաբաշխությունը տեղի կունենա մարտի 10-ին, իսկ անվանակարգերը կհայտարարվեն 2024 թվականի հունվարի 23-ին:

● Սեպտեմբերի 14-ին 3. Պարոնյանի անվան երաժշտական կոմեդիայի պետական թատրոնում տեղի կունենա «Գիշատիչների խնջույքը» ներկայացումը: Տոմսերի արժեքը՝ 4000 դրամ:



Էջը՝ ՄԱՐԻԱՍ ՂԱԶԱՐՅԱՆԻ

ՋՐԱՄԱՏԱԿԱՐԱՐՈՒՄ

ՀԱՐՑ. Ի՞նչ կարող եմ անել, եթե ջրածախսը կասկածի տեղիք է առնում:
Պետրոս Ղուկասյան (31 տարեկան)



ՊԱՏԱՍԽԱՆ. Նման դեպքում հարկ է դիմել Բաժնետիրական ՍՊԸ-ի կազմակերպչական կազմակերպությանը՝ «Յուրաքանչյուրի կենտրոն»՝ ջրաչափի արտադրողի ստուգաչափման համար:

Իսկ գրավոր կարելի է դիմում ներկայացնել կայքի «Յետադարձ կապ» բաժնի ել am.water.com.all@veolia.com էլեկտրոնային փոստի միջոցով:

Ջրաչափի ստուգաչափումն իրականացնում է «Վեոլիա ջուր» ՓԲԸ-ն՝ իր հաշվին՝ բացառությամբ այն դեպքի, երբ բաժնետիրակի նախաձեռնությամբ ջրաչափի արտադրողը ստուգաչափման արդյունքում ջրաչափի խախտում չի արձանագրվել:

«Վեոլիա ջուր»

«ԺՈՂՈՎՈՒՐԳ». Եթե բաժնետիրակի նախաձեռնությամբ ջրաչափի արտադրողը ստուգաչափման արդյունքում ջրաչափի խախտում է արձանագրվել, ապա բաժնետիրակը պարտավոր է հատուցել ստուգաչափման հետ կապված անհրաժեշտ ծախսերը՝ Չափագիտական մարմնի փորձագիտական եզրակացությունը ստանալուց հետո՝ 10 աշխատանքային օրվա ընթացքում:

ԸՆԴՈՒՆԵԼՈՒԹՅՈՒՆ

ՀԱՐՑ. Ես երկադաբացիություն ունեմ. ո՞ր երկրագագային կոմիտեին դեմ է հայցադիմումս ներկայացնեմ, որդեսգի ընդունվեմ UWC:
Լեռնիկ Սուքիասյան (20 տարեկան)



ՊԱՏԱՍԽԱՆ. UWC ընդունվելու նպատակով Դուք կարող եք դիմել միայն մեկ ազգային կոմիտեի՝ անկախ Ձեր ունեցած քաղաքացիությունների քանակից:

Ձեր առաջին ելակետը պետք է լինի բնակության ներկայիս երկրի ազգային կոմիտեն, քանի որ թեկնածությունների ընտրության գրեթե բոլոր գործընթացները պահանջելու են Ձեր անմիջական ներկայությունը:

UWC Հայաստան

«ԺՈՂՈՎՈՒՐԳ». Հայաստանի ազգային հանձնաժողովի միջոցով UWC քոլեջ ընդունվելու համար հարկավոր է դիմել, եթե սովորում եք Հայաստանի միջնակարգ դպրոցում կամ ավագ ուսումնական հաստատությունում: Համալսարանի ուսանողներն իրավասու չեն դիմելու:

ԼՈՒՐ ԿԱԴՐ

Լուսանկարը՝ համացանցից



Եվրատեսիլյան երկրագագայինների կողմից ստեղծված միջազգային Eurovoix կայքը մրցույթի 2023 թ.-ի մասնակիցներին գեղեցիկ պատկերազարդումներով է ներկայացրել: Ըստ կայքի՝ յուրաքանչյուր մասնակից պատկերված է իր երկրի խորհրդանիշ համարվող կենդանու կողքին:

Նկարազարդումների շարքը բացում է Հայաստանի ներկայացուցիչ Բրյունետը, որին պատկերել են արծվի հետ: Կայքը գրում է, որ երգչուհին Հայաստանը ներկայացնում էր իր հեղինակային Future Lover երգով, որով զբաղեցրել է մրցույթի 14-րդ հորիզոնականը՝ հավաքելով 122 միավոր: «Բրյունետը պատկերված է Հայաստանի խորհրդանիշ համարվող կենդանու՝ ոսկեգույն արծվի հետ»:

ԲԱԺՆԵՐԿԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	+ 3 + 8 +16 + 18	Արարատ	+11 + 14 +22 + 26
Կոտայքի լեռներ	+ 3 + 7 +15 + 17	Արմավիր	+10 + 13 +23 + 26
Կոտայքի նախալեռներ	+ 9 + 12 +18 + 22	Վայոց ձորի լեռներ	+ 3 + 7 +14 + 17
Գեղարքունիք	+ 3 + 7 +14 + 18	Վայոց ձորի նախալեռներ	+11 + 13 +19 + 22
Լոռի	+ 3 + 8 +16 + 19	Սյունիքի հովիտներ	+14 + 17 +18 + 22
Տավուշ	+ 6 + 12 +18 + 21	Սյունիքի նախալեռներ	+ 7 + 11 +13 + 16
Արագածոտնի լեռներ	+ 3 + 7 +13 + 18	ԼՂՀ	+14 + 17 +18 + 22
Արագածոտնի նախալեռներ	+ 9 + 12 +19 + 23	Երեւան	+13 + 15 +22 + 24

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22՝/3, հեռ՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 12.9.2023

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: